



Broj predmeta: 02-000033/21
Broj akta: 01.1-1413EK-043/21
Datum, 2. 4. 2021.. godine
Mjesto, Brčko

Na osnovu člana 16. i člana 17. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj: 22/18, 49/18, 8/19, 10/19 i 32/19) i Odluke o imenovanju Štaba za zaštitu i spašavanje Brčko distrikta BiH, broj predmeta: 02-000049/20, broj akta: 01.11-0566LO-006/20 od 13. 3. 2020. godine, broj akta: 01.11-0566LO-012/20 od 13. 3. 2020. godine i broj akta: 01.11-0566LO-020/20 od 16. 3. 2020. godine, a u skladu s članom 18. tačkom o), članom 19. tačkom a), članovima 35. i 37. stavom (1) Zakona o zaštiti i spašavanju ljudi i materijalnih dobara od prirodnih i drugih nesreća u Brčko distriktu Bosne i Hercegovine („Službeni glasnik Brčko distrikta BiH“, broj: 29/16 i 33/16), Odlukom o proglašenju stanja prirodne nesreće zbog COVID-19 (korona virus), broj predmeta: 43-000096/20, broj akta: 01.1-1141SM-001/20 od 13. 3. 2020. godine, u vezi s Odlukom o proglašenju ugroženosti stanovnika Brčko distrikta BiH od epidemije zarazne bolesti – korona virusa (COVID-19), broj predmeta: 02-000049/20, broj akta: 01.11-0566LO-001/20 od 11. 3. 2020. godine i broj akta: 01.11-0566LO-003/20 od 12. 3. 2020. godine, članovima 5. i 6. Poslovnika o načinu rada i rukovođenju Štabom za zaštitu i spašavanje Brčko distrikta BiH, broj predmeta: 02-000057/20, broj akta: 01.11-0566LO-004/20 od 20. 3. 2020. godine, nakon održane 92. telefonske sjednice Štaba, komandant Štaba, gradonačelnik Brčko distrikta BiH dana 2.4. 2021. godine i z d a j e

N A R E D B U

Član 1.

- (1) Zabranjuje se kretanje osobama na području Brčko distrikta Bosne i Hercegovine u narednih 15 (petnaest) dana u vremenskom periodu od 22.00 do 5.00 sati.
- (2) Dozvoljava se tokom trajanja zabrane kretanja rad dežurnih apoteka i benzinskih stanica samo u dijelu koji se bavi točenjem goriva, rad privrednih subjekata koji se bave proizvodnjom.
- (3) Odredbe stava (1) ovog člana ne primjenjuju se na zaposlene koji vrše službene dužnosti ili su uključeni u provođenje mjera i aktivnosti u vezi s proglašenjem stanja prirodne nesreće zbog korona virusa, kao i zaposleni u pravnim licima u kojima se radi kontinuiteta proizvodnje rad odvija u smjenama.
- (4) Za provođenje ove naredbe zadužuje se Policija Brčko distrikta Bosne i Hercegovine.
- (5) Prema osobama koje se ponašaju suprotno od člana 1. stava (1) ove naredbe Policija Brčko distrikta Bosne i Hercegovine postupa u skladu sa Zakonom o javnom redu i miru Brčko distrikta BiH.

Član 2.

Nalaže se obavezno nošenje zaštitne maske (prekrivena usta, nos i brada) u grupi od dva ili više lica na otvorenom prostoru i da održavaju fizičku distancu od 2 metra, osim članova užeg domaćinstva.

Član 3.

- (1) Ograničava se rad svim privrednim subjektima na području Brčko distrikta Bosne i Hercegovine, osim privrednim subjektima iz člana 1. stav (2) i (3) ove naredbe, do 20.00 sati.
- (2) Radno vrijeme privrednih subjekata koji se bave proizvodnjom, u dijelu prometa krajnjim kupcima ograničava se do 20 sati.
- (3) Dozvoljavaju se rekreativne aktivnosti koje se obavljaju u zatvorenom prostoru do 20.00 sati.
- (4) U ugostiteljskim objektima na području Brčko distrikta Bosne i Hercegovine dozvoljeno je da mogu biti maksimalno 4 (četiri) osobe za jednim stolom.
- (5) Zabranjeno je svako organizovano okupljanje s muzikom uživo, di-džejevima i slično.
- (6) Zadužuje se Ured gradonačelnika Brčko distrikta Bosne i Hercegovine – Inspektorat da vrši pojačanu kontrolu poštovanja mjera i naredbi Štaba za zaštitu i spašavanje Brčko distrikta Bosne i Hercegovine u ugostiteljskim objektima, broj predmeta: 02-000049/20, broj akta: 01.1141SM-213/20 od 8. 5. 2020. godine, kao i kontrolu poštovanja svih preporuka u skladu sa vrstom djelatnosti, koje nisu u suprotnosti sa ovom naredbom, a sve s ciljem sprječavanja širenja zaraze korona virusa – COVID-19, te ukoliko se utvrdi nepoštovanje epidemioloških mjera u ugostiteljskom objektu istom onemogućiti daljnji rad do kraja radnog vremena tog radnog dana.

Član 4.

Ovom naredbom stavlja se van snage Naredba, broj predmeta: 02-000033/21, broj akta: 01.1-1413EK-031/21 od 26. 3. 2021. godine.

Član 5.

Ova naredba stupa na snagu danom donošenja i objavit će se u „Službenom glasniku Brčko distrikta Bosne i Hercegovine“.

DOSTAVITI:

1. Uredu gradonačelnika,
2. Zamjeniku gradonačelnika,
3. Glavnom koordinatoru Vlade Brčko distrikta BiH,
4. Svim odjeljenjima Vlade (12x),
5. Kriznom štabu u zdravstvu Brčko distrikta BiH,
6. Uredu gradonačelnika / Inspektorat,
7. Sekretarijatu Vlade (3x),
8. Policiji Brčko distrikta BiH,
9. Članovima Štaba (34x),
10. Institucijama Brčko distrikta BiH (8x),
11. Javnim preduzećima, fondovima i Zavodu (7x),
12. Sektoru za informisanje,
13. „Službenom glasniku Brčko distrikta BiH“,
14. Arhivi.

GRADONAČELNIK

Esed Kadrić